


# Hakkemak & Vegezak



Kiek, men mout mie goud begriepen:  
K wil ale manlu gern serveren,  
Behaalve achterbakse heren  
Dij stiekom in mien billen kniepen.

Nvhn 27.5.00


## Hakkemak & Vegezak



Dij pianist breng ik nog ais om haals  
Hai het veur t vak gain cent talent  
En ook verder ist n slechte vent,  
Want zuls bie t koarten speelt e vaals

Nvhn 3-6.00

# Hakkemak & Vegezak




Zien schoultied was veur Jan n sof,  
mor bruier Geert kon wèl goud leren.  
Och, in dit leven kin t verkeren,  
want baaiden wörren zai toch nog prof.

Nvhn 10-6.00

# Hakkemak & Vegezak

ARBEIDS BUREAU  
BEROEPSKEUZE




Blikboar kin t'altied nog gekker...  
Dou ik hom vruig wat of hai worden wol,  
Huil dij haalve zool in eerns vol:  
"Nou, aigelk t'laifste vlezzetrekker"

Ger Siks

Nv 17-6-00

# Hakkemak & Vegezak



"Veul zun en n luk poestje wiend..."

Op TV-Noord zai k Nainhoes ieder keer  
En t'liekt mie best n schiere vent,  
Mor t'is in Stad en Ommeland bekend:  
Job het gain spier verstand van t'weer.

Ger Siks

Nv 17-6-00


# Hakkemak & Vegezak



Omdat ik hiel in Stad gebolen bin,  
Kin ik vlij vlöt Glunnegs ploaten,  
Mol ie hebben vast wel in de goaten  
Dat ik de lettel L wat lasteg vin.

Nv 17-6-00

## Hakkemak & Vegezak



Och, aingliek heb k al laang genug,  
Mor toch wil k geern nog wat méér.  
K Stoa aaltied veuraan aan de trog.  
Men nuimt mie Swientje Albegeer.


*Nubst 9-9-00*

## Hakkemak & Vegezak



In de schaar van hoge bomen,  
Noast n fleurig bloumenpaarkje,  
Stoa ik al joaren mit mien haarkje  
Mor van waark is nooit wat komen

Ger Siks



## Hakkemak & Vegezak

Nee, t leven vaalt nait aaltied tou...  
Ik dink dat k mit dit boantje stop,  
Want hou goud k mien best ook dou,  
Elk haauwt mie toch aaid op de kop.

Ger Siks



## Hakkemak & Vegezak

Zai waarkte joarenlaang bie V&D,

Nvbn 3-8-00

## Hakkemak & Vegezak

(Wij herplaatsen de aflevering van afgelopen zaterdag vanwege het feit dat een groot deel van de tekst toen door een technische oorzaak is weggevallen. De tekening werd daardoor onbegrijpelijk.)




Zai waarkte joaren laang bie V&D,  
Tot der n kerel kwam dij zee:  
n Wicht mit zukke mooie bainen  
ken wizze makkeln meer verdainen.

Ger Siks

Nvbn 4-10-00

## Hakkemak & Vegezak




Zuls in t alderdrokst verkeer  
Is mien boas toch nooit benaauwd.  
Ik vin t nog aaid n grode eer  
Dat hai mie blindelings vertraauwt.

Ger Siks

Nvbn 7-10-00

## Hakkemak & Vegezak



Hou elk ook over t daaier snaart  
En hou men hom in Stad ook eert,  
Op de Zuudloarder peerdemaart  
Is zo'n bonkeg baist niks weerd.

Ger Siks

Nvbn 19-10-00

## Hakkemak & Vegezak




As zakkenroller vin ik dit nudistenkamp  
Echt n straf, n regelrechte ramp,  
Want hier vaalt ja mit goud fatsoun  
Veur mie haieldal gain zak te doun

Nvbn 21-10-00

## Hakkemak en Vegezak

Het wil maar niet lukken met de publicatie van de tekening van Ger Siks. Afgelopen zaterdag, zo zal de oplettende lezer hebben gemerkt, ging het opnieuw mis. Door een verwisseling op de technische afdeling werd de tekening van Siks helemaal niet geplaatst. Op de plaats waar de cartoon van hem wel had moeten staan werd per abuis een tekening geplaatst uit het boek Schimpnamen in Drenthe van

Dirk van der Heide uit Leens. Dit boek is pas uitgekomen en de collega van Rondje Drenthe schreef daarover een verhaal en nam er een tekening uit over. En uitgerekend die tekening kwam zaterdag in Rondje Groningen op de plaats terecht waar de tekening van Siks had moeten staan. Met excuses aan de betrokkenen drukken wij vandaag de rubriek Hakkemak & Vegezak nogmaals af.



As zakkenroller vin ik dit nudistenkamp  
Echt n straf, n regelrechte ramp,  
Want hier vaalt ja mit goud fatsoun  
Veur mie haieldal gain zak te doun

Nvbn 24-10-00

## Hakkemak & Vegezak



Soms zai ik in t café, achter n glaske bier,  
ain van mien olle klanten, dij narreg noar mie kikt  
en mie gain haand gef, zuls nait eefkes knikt.  
Ach, dat ligt aan t vak. Zuks krigt men as cipier.

NubN 20-10-00

## Hakkemak & Vegezak



Mien moe kikt aaid in kovviedik  
en nait in zo'n kristallen bol,  
mor net as zai heb k dikke lol  
as ik weer ais n dreum lek prik

NubN 11-11-00



## Hakkemak & Vegezak

t Was wel wat dom dat ik te veel vertelde  
aan de man dij guster belde aan mien deur,  
temeer omdat de vent mie loater meldde:  
"Meneer, k bin joen belastinginspekteur."

Ger Siks

NubN 11-11-00



## Hakkemak & Vegezak

Kop op en wees nou moar trankiel,  
 want ik muik nog nooit n fout.  
 k Bin in mien stiel biezunder goud:  
 doe gaaist vakkundeg veur de biel

Ger Siks

NvbhV 10-11-00


## Hakkemak & Vegezak



Ik heb t aal dik veur n kaander,  
 dit boantje is mie braid noar t zin.  
 k Groaf daïpe koelen veur n aander,  
 mor wait: ooit vaal k der zulm in.

NvbhV 25-11-00

## Hakkemak & Vegezak



Pizzeria hier om houke hait 'La Bella',  
 Mor ik goa nooit noar dat restaurant,  
 Want k heurde van n vaste klant:  
 De boas zien noam is Salmonella!

Ger Siks

NvbhV 2-12-00

# Hakkemak & Vegezak



Bie tegenheden, of zuls daip verdrait,  
schenkt hai aaid zien sympathie per liter.  
t Is n haile goie vrund en elkain wait  
dat ik slim wies bin mit mien slieter

Ger Siks

Nvhrv 9-12-00

# Hakkemak & Vegezak




De masjese, dij stoateg deur ons stroade luip,  
vuilde zuk ongemakkelk en keek wat betrapt,  
dou verboasd n wichtje hail haard ruip:  
Hest doe dij slingers uut de kerstboom gapt?

Ger Siks

Nvhrv 16-12-00

# Hakkemak & Vegezak



Triest hou n dreum zomor verswint...  
Ik wos t zo zeker: k heb talent  
En wor as groot artiest bekend,  
Tot dokter zee: "Bist kleurenblind".

Ger Siks

Nvhrv 13-1-01



# Hakkemak & Vegezak



## Hakkemak & Vegezak

Soms duurt mien sloapeloosheid wel n week  
 En sloek ik poeiers, draankjes, pillen,  
 Mor as dij ook nait helpen willen,  
 Din helpt mie bloots nog domnees preek.


*Nvhr 20-1-01*



Gainaine windt mie 's oavends op  
 En ik zit ook nait aan n stekker,  
 Mor in mien vak bin ik de top:  
 k bin n verrekte beste wekker.

*Nvhr 20-1-01*

# Hakkemak & Vegezak



Der zit zo'n man op ons kantoor,  
 waarvan gainain wait wat hai dut,  
 mor zulf vindt e zien boan loodzwaar;  
 dus wacht hai doodmui op de VUT.

*Nvhr 3-2-01*

# Hakkemak & Vegezak



Ik mos en zol noar zo'n plasties chirurg,  
Mor dat was achteróf knap stom:  
As k hom nog ooit ais tegen kom,  
din wait ik zeker dat k dij kerel wurg.

Nvhn 10.2.01


# Hakkemak & Vegezak



Wel t geweer dragt het de macht.  
De joager is in t veld n boaske.  
Hai gaat op pad en onverwacht  
Is n knientje weer ais t hoaske

Nvhn 24.2.01

# Hakkemak & Vegezak



t Opgooien van n ballechie  
zat mie as baby al in t bloud.  
Dat heurt der bie t jongleren bie,  
Omdat men t vak jong leren mout.

GER SIKS

Nvhn 3-3-01

# Hakkemak & Vegezak



Dij generaal, topswoar van steerns  
en mit n borst vol bonte dekoatsies,  
is veur gain cent soldoat in eerns.  
Vent kreeg zien boantje deur reloatsies.

Ger Siks

NvS/N 10-3-01

# Hakkemak & Vegezak




Mien kantoorboan wör n grode flop.  
Och, k von t affeer toch aigelk ook te min  
En ik wol aaid al stommegeern hogerop,  
Vandoar dat ik nou vlaiger bin

Ger Siks

NvS/N 7.3.01

# Hakkemak & Vegezak



As schounverkoper heur ik dag en deur  
aid weer t onneuzelste gezeur,  
mor ik mag stommegeern wat proaten  
mit lu mit haile grode moaten.

Ger Siks

NvS/N 24.3.01

# Hakkemak & Vegezak




Hai is op elk diner en feest der,  
Voar hai t gezag representeert  
n aaid weer in eerns beweert:  
Men het t swoar as börgermeester.

Ger Siks

Nvhs 31-3-01

# Hakkemak & Vegezak



Dat heerschap gaait mie wat te vèr...  
De vent het veur t affeer nooit leerd  
En zien handel is gain stuver weerd,  
Mor duur nuimt hai zuk "antiquair"

Ger Siks

Nvhs 14-4-01

# Hakkemak & Vegezak




Ik heb vanzuls mien doageliexse zörgen,  
Mor nóót gebrek geld, goddank.  
As ik tekört kom, din goa k mörgen  
Hail simpel eefkes langs de bank.

Ger Siks

Nvhs 14-4-01

# Hakkemak & Vegezak




Stáárke verhoalen haar dij kaptaain,  
Mor bie t bootjevoaren in Zuudloaren  
Ging mien vertraauw in hom verloren.  
(Nog nooit heb k ain zó zeezaik zain!)

Ger Siks

*Nvhs 20.4.01*

# Hakkemak & Vegezak



Aaltied kikt hai stoens en zoer  
En aiweg zeurt e over t weer,  
Mor dat gedrag heurt bie t affeer,  
Want aans is hai gain echte boer.

Ger Siks

*Nvhs 12.5.01*

# Hakkemak & Vegezak



k Zeg in t café soms: "Ik bin dichter."  
Nee, k kreeg nooit verske op pepier  
En zo'n leugen is meschain nait schier  
Mor dut t hail goud bie de wichter.

Ger Siks

*Nvhs 5.5.01*

# Hakkemak & Vegezak



Doodkaalm rie k doagelks hinneweer  
in mien laange swaarde woagen.  
Nooit heurde ik ooit klanten kloagen.  
t Is staarvenswoar n pracht affeer

Ger Siks

*Nvhn 19.5.01*

# Hakkemak & Vegezak



t Is, leuf ik, nait zo'n goie smid,  
want as k hom in t café soms zai,  
din vaalt t mie toch wel op dat hai  
doar aait mit blaauwe doemen zit.

Ger Siks

*Nvhn 26.5.01*

# Hakkemak & Vegezak



Ik was as kind al nait zo staark,  
Aaid wat min en wankel op de bainen,  
mor men mout toch zien geld verdainen,  
dus ik zöchte zittend waark.

*Nvhn 2.6.01*

# Hakkemak & Vegezak



Dat kon nooit goud goan op de duur:  
al veur de middag nait meer sober.  
De vent zat veul te dicht bie t vuur.  
(Doagelijks gevoar veur mennig ober!)

Ger Siks

Nu h N 9-6-01

# Hakkemak & Vegezak



As dokter aan de proat is over t vak  
krieg ik doar gain spelle tussen.  
Ach, aan mien mainen het hai lak,  
want ik bin bloots zien spellekuzzen.

Ger Siks

Nu h N 16-6-01

# Hakkemak & Vegezak



Aigelk heb k van rook en vuur n òfkeer.  
k Bin aan t affeer ook nait echt hecht,  
mor t seloares is bepoald nait slecht,  
dus zugt men mie bie elke brand weer.

Ger Siks

Nu h N 23-6-01

# Hakkemak & Vegezak




Vlezze miswien bleek weer onverkloarboar leeg.  
 Olde pastoor docht: "Dat is wél gauw goan."  
 Hai schudde mit zien grieze kop en sweeg,  
 mor keek wantraauweg noar de kappeloan.

Ger Siks

NubN 30-6-01

# Hakkemak & Vegezak




Zo'n vak as dat van mie zol elk wel willen,  
 want veul hazzens binnen nait verplicht.  
 Men huift der nait te swoar aan tillen,  
 mor krigt licht sjans mit ieder wicht.

Ger Siks

NubN 25-8-01

# Hakkemak & Vegezak



k Zee: "Moak mien boksem ais wat wieder,  
 want hai schuurt mie aaid in t kruus."  
 Vandoage kreeg ik t ding weer thuus  
 t Is toch bepoald n roare snieder...

Ger Siks

NubN 1-9-01



# Hakkemak & Vegezak



Ik vroeg mie voak òf, daip in de nacht:  
Woarom meldt zuk nooit ais n laifdevel wicht,  
dij zaacht vertelt dat zai, noa doane plicht,  
smachtend op de schildwacht wacht?

Ger Siks

*Nvhr 18-9-01*

# Hakkemak & Vegezak




Soms zit in t leven even gain meziek.  
De zanger vuilt allain nog daip verdrait,  
mor straks staat hai veur zien publiek  
en zingt den toch weer t hoogste laid.

Ger Siks

*Nvhr 22-9-01*

# Hakkemak & Vegezak



Dit is toch werkelijk gain menaaiër!  
Dij jury hier liekt wel nait wies,  
want ik bin 's werelds mooiste daaiër,  
mor krieg aaid bloots de poedelpries.

*Nvhr 29-9-01*

# Hakkemak & Vegezak



Vandoage weer ais noar de kapper  
 en as ik dapper in de spaigel kiek,  
 denk ik: "Mien vraauw het wel geliek:  
 Bloots wat koaler; moar nait knapper."

Ger Siks

Nvhn 15-9-01

# Hakkemak & Vegezak



Zai is zo'n olderwetse schouljuffraauw,  
 haildag mor opvoudkundeg in de weer.  
 Vanoet heur daipe laifde veur t affeer  
 haauwt zai de kinder bont en blaauw.

Ger Siks

Nvhn 6-10-01

# Hakkemak & Vegezak



Docht toch wizze dat ik mie vergiste;  
 bie heur haar ik n aander vak verwacht,  
 t wicht is ja zo lelek as de nacht,  
 mor waarkt as schoonheidsspezialiste.

Ger Siks

Nvhn 13-10-01

# Hakkemak & Vegezak



Kiek nou toch ais hou dij aarme vraauw  
schraauwt om mien aibels vraide dood.  
Och, t is vanzuls gain eernse raauw.  
Zai reert bloots veur t doagelks brood

Ger Siks

Nvhn 20-10-01

# Hakkemak & Vegezak



Vrouger lag de stakker overdag bloots duf in bér,  
dus zien olders haren niks van hom verwacht,  
mor dat jonkje schupte t loater toch nog vér,  
want hai wör n wakker schout-bie-nacht

Ger Siks

Nvhn 27-10-01

# Hakkemak & Vegezak



k Lig al twij week in t zaikenhoes.  
mor t blaauwe oog kreeg ik pas guster.  
k Huil eefkes nait mien handen thoos...  
(Zai is nait veur de poes, dij zuster!)

Ger Siks

Nvhn 3-11-01

# Hakkemak & Vegezak



Kiek nou toch ais hou dij aarme vraauw  
chraauwt om mien aibels vraide dood.  
Och, t is vanzuls gain eernse raauw.  
Zai reert bloots veur t doagelks brood

Ger Siks

NvHN 20-10-01

# Hakkemak & Vegezak



Vrouger lag de stakker overdag bloots duf in bér,  
dus zien olders haren niks van hom verwacht,  
mor dat jonkje schupte t loater toch nog vér,  
want hai wör n wakker schout-bie-nacht

Ger Siks

NvHN 27-10-01

# Hakkemak & Vegezak



k Lig al twij week in t zaikenhoes.  
mor t blaauwe oog kreeg ik pas guster.  
k Huil eefkes nait mien haanden thoes...  
(Zai is nait veur de poes, dij zuster!)

Ger Siks

NvHN 3-11-01

# Hakkemak & Vegezak




oms komt der in mien stamcafé  
vent dij ainglieks gainent kent.  
Vie hebben echt gain flauw idee.  
s hai meschain gehaaimagent?)

Ger Siks

Nvbn 10-11-01

# Hakkemak en Vegezak



k Bin toch n goie hekse, docht ik net.  
De beste in de leste honderd joar.  
Bloots ain ding kreeg k nait veur mekoar:  
ik heb nog aaid gain vlaigbrevet....

Ger Siks

Nvbn 17.11.01

# Hakkemak & Vegezak




Aibels verlaifd, dij aarme leroar fraans...  
Hai fluustert hais: "Je 't aime, cherie."  
Mor zien dreum is gaauw veurbie  
as t wicht zegt: "Doe hest laauw kaans."

Ger Siks

Nvbn 24-11-01

# Hakkemak & Vegezak



Dit is toch werkelk gain menaaier!  
Dij jury hier liekt wel nait wies,  
want ik bin 's werelds mooiste daaier,  
moar krieg aaid bloots de poedelpries

Ger Siks  
NvhsV 0-12-01

# Hakkemak & Vegezak



Kiek nou toch ais hou dij aarme vraauw  
schraauwt om mien aibels vraide dood.  
Och, t is vanzulfs gain eernse vraauw.  
Zai reert bloots zo veur t doagelks brood.

Ger Siks  
NvhsV 10-12-01

# Hakkemak & Vegezak



Laange tied was ik elektries lazzet,  
mor omdat k aiglieks gluurder bin,  
was dij stiel mie niks noar t zin.  
k Wör dus n ieverg gloazenwazzer

Ger Siks  
22-13-01 NvhsV 22-13-01

# Hakkemak & Vegezak



Zai is zo'n olderwetse schouljuffraauw,  
haildag mor opvoudkundeg in de weer.  
Vanoet heur daipe laifde veur t affeer  
hauwt zai de linder bont en blaauw

Ger Siks

NvbN 12-1-02

# Hakkemak & Vegezak



"Abstract is prachtig," wör in de galerie verteld,  
dus blikboar heb ik aan de ogen wat meleur,  
want volgens mie stelt dat gemaggel nait veul  
veur, mor toch dokken rieke snakkers smakken geld.

Ger Siks

Dit is de laatste aflevering in de serie Hakkemak & Vegezak

NvbN 19-1-02